

# ادبیات عمومی و تجریدی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۲۲ رجب ۱۳۳۶ جمعه ایرتسی ۴ مایس ۱۹۱۸ نومرو ۳۵ — ۶۶

## اجمال افکار

قطعه‌مز

ساعت کیجه یاریسته یاقلاشیوردی. هواده بوزولدی. واپورک بیوک سالوننده قادین، آرک رکص ایدیورلردی. توتون ایچیلن اوفق سالونه کیردم : یولجیلر قومارک آنکینلرنده. کتبخانه‌یه طالدم : پک راحت بریر. ایکی دقیقه تنفس ایتدکن صکره ، بتون کون ، کوکرته‌ده بنی تعجیز ایدن خورتلاق دیشلی ، سختیان دریلی ، قوجه قاری نامزدی ینه بنی یاقالاماسونمی ؟ — دوقتور ! دیه بکا چاددی .

[ استطراد : بو قادین ، هرابطه‌لی آداهه دوقتور دیوردی . لکن بو عنوان نه قدرده اسراف ایدیلیور : حقوق ، الهیات ، طب ، علوم طبیعی و ریاضیه ، ادبیات دوقتورلری آز کلورمش کی باشمزه برده تجارت ، غزته‌جیلق ، خاخاملق دوقتورلغی چیقدی . هر زرده ایسه سپه کولاسیون ، شانتاز ، عوامفریبک ، فمینیزم اطمیاسی ده حدوث ایده‌جک . طیب اولمایانک اسمنک باشنه (دوقتور) عنواتی یایشدیرمه‌سی خلی عادیلک دکلنی ؟ انتهای استطراد ] — بن اقصای شرقه کیتدم . بن آفریقایه کیتدم . بن پاسیفیکده طولاشدم ... کی برقنطار تفاخر. دیرکن [ سان سالودور ] خرده‌بینی جمهوریتنک ( شارژه دافهر ) یده کلوب بزه التحاق ایتدی. ها ، اسمنی اونوتدم : موسیو اسماعیل . مباحثه قیزیشدی . ترک اولدیغمی

اولدیغکز ایچون بن بونلرک مهمل و منسی قالدیغنه حکم ایدهرک او بولده بیان مطالعہ ایتشیدم . و بویله بر کتاب نشر ایتمکه حاضر لاندیغکز ی ده طبیعی بیله مردم .  
 سابعاً، عرب ادبیاتنده صریحه عنوانی آلتنده یازدیغکز مقاله یه اولان اعتراضاته و یردیگکز جوابلر یکیدن مطالعه بیاتی استلزام ایده جک ماهیتده اولدیغندن بوراده سوزیمه نهایت و یرر و بالوسیه تأیید حسیات و د و مصافات ایلرم . رحم الله امرأ عرف قدره ولم يتعد طوره .

صبر دانه

### « عروض ، ه قصیده »

ای عالمک ملیکه آهنگی ، ای عروض ،  
 هپ سنده در نوای الم ، نغمه حظوظ ؟

هپ سنده در سرود سحر ، موسیقی شب ؛  
 ابعاد مهیمتک الحان رازی ، هپ

ییلدیزلرک ترانه انواری سنده در ؛  
 ظلمتارکده رفرق اسراری سنده در .

خلقتده هر صدای خفیف و مطمئنک  
 اک دلپذیری سنده ، بحار محیطه نک

لحن تفکریله غریو تهوری ،  
 اورمانلرک قیشین نقرات تحسری ،

یاخود یازین ، مسیره عشق ، آشیانلری  
 لبریز ایدن سرور و هوس چاغلیانلری

هپ سنده در . جواهر اوزان ازمنه  
 انجق سنک خزائن لخنکده در ینه .

هپ سنده در ترتم ساز و رباب و عود ،  
 تیلرزه قلوب ایله طراقة رعود .

اک دلربا قادینلرک انسانی غشی ایدن ،  
 باش دوندورن فشافش دامانی ، یاخود اک

چا فشان اوقه‌قهه شوخی سنده در .  
 نفخه‌کله ساده برسوزه بر موسیقی کلیر .  
 هپ سنده در بری سکوتک تر نمی ؛  
 هپ سنده در لب ملکوتک تکلمی ...  
 فوضا کچر .. غریو ضلالت صوصار بوتون .  
 زرتار ارغنون کمالکده در بوکون  
 ماضی قادارده حال ایله مستقبلک سسی .  
 سنسک یکانه صاحب سامان نغمه‌سی  
 قیسی ایللریله مافظ و مہامر دیارینک .  
 الحانسرای روضه هر دم بهارکک  
 برکوشه سنده ، اک کوچوچک ، اک کینه بر  
 طرحنده باغبان اولاییلسهم ؛ نه پایه در !

— نیسان ۱۹۱۸ —

فائز علی

### عودت

نائم دکنز آلتمزده یکسر  
 ییلدیزی سما نشاط کستر  
 نقصاتی ایلمکده اکال  
 افق املک هلال اقبال  
 سرمست غرام جان وجانان  
 ایتشدی بزی خراب دوران  
 برموشاه کوزل جزیره لرده ؛  
 مافوق شعر بحیره لرده